

Date : 4 Jun 2016
Title : Uniten bekerjasama dengan Ofisgate dalam bidang ICT
Publication : Utusan Malaysia
Page :

Uniten bekerjasama dengan Ofisgate dalam bidang ICT

PENGUNAAN teknologi maklumat dan komunikasi (ICT) secara meluas dalam sesebuah institusi membantu membina pengurusan organisasi yang berprestasi tinggi.

Kepesatan aplikasi ICT dalam kehidupan seharian dalam pelbagai aspek telah mengakibatkan struktur maklumat mudah dicapai tanpa mengira masa dan tempat.

Menyedari kepentingan itu, Universiti Tenaga Nasional (Uniten) dan sebuah syarikat yang menonjol dalam bidang keselamatan siber, Ofisgate Sdn. Bhd., bekerjasama bagi memastikan penggunaan ICT secara optimum dilaksanakan.

Baru-baru ini, UNITEN dan Ofisgate telah memeterai memorandum persefahaman (MoU) untuk merangka kerja bagi mengendalikan aktiviti-aktiviti yang berkaitan sesi perkongsian pengetahuan seperti penubuhan makmal cyber range bagi keselamatan siber, bengkel pembinaan kemahiran, program pemindahan teknologi dan peluang latihan industri untuk pelajar Uniten.

Kerjasama ini dilihat memberi kelebihan serta menguntungkan antara kedua-dua organisasi.

Pada majlis tersebut, Uniten diwakili oleh Naib Canselor Prof. Ir. Dr. Kamal



KUMPULAN kerjasama daripada UNITEN dan Ofisgate yang berkolaborasi dalam memastikan penggunaan ICT secara optimum ICT dilaksanakan.

Nasharuddin Mustapha, manakala Ofisgate Sdn Bhd wakili oleh Ketua Pegawai Eksekutif, Shamsul Bahari Mokmin.

Kerjasama ini adalah merupakan formalisasi daripada hubungan yang telah wujud di antara Uniten dan Ofisgate melalui Pusat Penyelidikan Keselamatan Maklumat dan Rangkaian, Kolej Sains Komputer dan Teknologi Maklumat (CSIT).

Kolaborasi ini dilihat sebagai satu

usaha yang tepat memandangkan Uniten sememangnya dikenali sebagai sebuah institusi pengajian tinggi yang menawarkan pendidikan berkualiti tinggi di dalam bidang Sains Komputer dan Teknologi Maklumat.

Usahasama ini melalui salah sebuah syarikat yang mahir dalam bidang keselamatan siber di Malaysia diharapkan dapat menonjolkan penyelidikan dan program Ijazah keselamatan siber Uniten.

MoU ini juga menggambarkan kualiti

tinggi penyelidikan dan program ijazah dan usaha bersungguh-sungguh serta berterusan yang telah menjadi tradisi universiti.

Menurut Ketua Pusat Penyelidikan Keselamatan Maklumat dan Rangkaian Uniten, Prof. Madya Dr. Roslan Ismail, MoU ini akan membolehkan Uniten bekerja dengan lebih rapat dan mengukuhkan hubungan kami dengan Ofisgate.

"Sebagai sebuah institusi pengajian tinggi yang sinonim dengan tradisi kecemerlangan yang kuat, kerjasama ini akan menjadi batu loncatan untuk Uniten melengkapkan serta mendedahkan pelajar dan kakitangan kepada kemahiran Ofisgate dalam bidang keselamatan siber yang juga merupakan pakar industri."

"Ini akan meningkatkan proses pembangunan modal insan dan sekali gus menggalakkan generasi profesional terutamanya dalam bidang keselamatan siber" katanya.

Sebagai sebahagian dari Tenaga Nasional Bhd. (TNB), Uniten yang juga merupakan sebuah universiti swasta di Putrajaya turut menawarkan program-program ijazah, sarjana dan kedoktoran dalam bidang kejuruteraan, teknologi maklumat (IT), pengurusan perniagaan dan bidang-bidang lain yang berkaitan.